

VERBAL DE DELIBERASHON DO CONSELH COMUNALO N. 25

ODZEUT: Revizhon periodicca de le partissipashon peblique de lequinte a l'art. 20, coma 3, D.Lgs. 18/08/2016 n. 175 - Eunn 2020 - reliévo a la data do 31/12/2019.

L'eunn douemilevenn incoueu ventun do mei de deseimbro a 20 oure din la sala de les adunanse consilhére, convocà do Presideunn avó avis ehresù e recapità a norma de lei, i s'at reunì, an seshon strordenéra, e an seanse peblicca, de première convocashon, lo Conselh Comunalo, doquin ou sont meimbro:

Conhon e non

		Preseunn/Asseunn o momeunn de la trattashon do preseunn argumeunn
NURISSO Piero Franco	Santicó	Preseunn
BONNET Mario	Consilhér	Preseunn
LESCHIERA Simona	Consilhér	Preseunn
PERRECA Emanuela	Consilhér	Asseunn dgest.
ORCELLETTO Lorenzo	Consilhér	Preseunn
BIANCO DOLINO Bruno	Visse Santicó	Preseunn
CAFFO Ramona	Consilhér	Preseunn
BARBERO Marco	Consilhér	Preseunn
COMBA Paolo	Consilhér	Preseunn
MARCON Beatrice	Consilhér	Asseunn dgest.
SCARAMELLA Noemi	Consilhér	Asseunn dgest.

Prein at que li entrevenù ou sont an neumbro legalo, ou preunt la presidinse lo Santicó NURISSO Piero Franco.

Ou partissipe a la seanse lo Segretéro comunalo CARCIONE Marietta.

Lo Presideunn ou declhare iverta la seanse pre la trattashon de l'odzeut surendecà.

LO CONSELH COMUNALO

Armandà lo D.Lgs. 19 o 2016 n. 175, emanà an attuashon de l'art. 18, lei 7 o 2015 n. 124, qu'ou constitueit lo novo Testo uniccò an matère de sossietàie a partissipashon peblicca, comme integrà e modefeiò do Decret Ledzeslativo 16 zouin 2017 n. 100 (c.d. Decret Correttivo);

Vu qu'í seins do predeut T.U. (cfr. art. 4, c.1) le Pebligue Amministrashon, iheu comprein le Comeune, ou polo pa, dereitameunn on endereitameunn, maintenir partissipashon, asseu de minoranse, an sossietàie aveunn pre odzeut attivitaie de produshon de bieunn e sarvisho pa hereitameunn nessessère pre lo presouvimeunn de se finalitaie istitushonale;

Atandù que la Comeune, teneunn contio de heunn surendecà, l'he pout maintenir partissipashon an sossietàie:

1. rinque pre lo derolemeunn de les attivitaie endecaie de l'art. 4, c. 2, T.U.S.P., delon din le lemitte de lequinte o coma 1 do mémo artichlo:
 - a) produshon d'in sarvisho d'intré dzeneralò, iheu comprein la realisashon e la gestion de le grilheu e di emplan fonshonalo i sarvisho mémo;
 - b) eheudio e realisashon de in'ovra peblicca dessù la base d'in accord de programmo entre amministrashon pebligue, i seins de l'artichlo 193 do decret ledzeslativo n. 50 do 2016;
 - c) realisashon e gestion de in'ovra peblicca e organisashon e gestion d'in sarvisho d'intré dzeneralò a traves in contrat de partenarià doquin a l'artichlo 180 do decret ledzeslativo n. 50 do 2016, avó in entreprenour ahernù avó le modalitaie de lequinte a l'artichlo 17, coma 1 e 2;
 - d) otoprodushon de bieunn on sarvisho strumentalo a l'eunn on i eunn pebllico partissipeunn, din lo respet de le condishon ahable de le direttive europeintse an matère de contrat pebllico e de la relativa desseplin-na nashonala de ressepimeunn;
 - e) sarvisho de commiteinse, ihe comprein les attivitaie de commiteinse osilhère, aprestaie a édo de eunn seinsa but de ganh e d'amministrashon adzudiquère de lequinte a l'artichlo 3, coma 1, letrò a), do decret ledzeslativo n. 50 do 2016";
2. o soleut but d'ottimizhér e valorizhér l'usadzo de bieunn immoblo faseunn pert do son patremouéno, "an sossietàie aveunn pre odzeut sossialo esclusivo la valorisashon do patremouéno (...), moueieunn lo conferimeunn de bieunn immoblo o but de realizhér in envehemeunn selon de critéro propro de operatour de marchò";

Arlevà que:

- pre effet de l'art. 24 T.U., intro li 30 seteimbro 2017 la Comeune el'hère tenouò de fare ina revizhon de toteu le partissipashon possedeuve de la méma a la data di 23 seteimbro 2016, an endevidueunn le partissipashon a alienar e heleu a confirmar;
- la Comeune de Grevère avó deliberashon de Conselh Comunalo n. 20 do 28.09.2017 lh'at deliberà dessù lo témo e lh'at provù a le communicashon prevùe pre lei;

Considerà que:

- l'art. 20 coma 1 do T.U.S.P. ou prevoueit que, viò la revizhon strordenéra, les amministrashon pebligue ou font tsaque eunn, avó provedimeunn in'analizhe de l'asset totalo de le sossietàie de lequinte ou deténo partissipashon, dereite on endereite, an predesposeunn, enté qu'í isse li prepó diquin o coma 2, in plan de reasset pre sa rashonalisashon, fuzhon o soppreshon, asseu moueieunn liquidashon on seshon;
- lo mémo artichlo ou prevoueit que li provedimeunn diquin dessù ou sont adottà intro li 31 deseimbro de tsaque eunn e ou sont envià avó le modalitaie de lequinte a l'artichlo 17 do decret lei

n. 90 do 2014, n. 114 e randeuvre desponible a la struteure de lequinte a l'articlho 15 e a la seshon de controlo de la Còrt di Contio competeinta i seins de l'articlho 5, coma 4;

Tenù contio que i but diquin dessù ou dévo iéhre alienà on odzeut de le mesure de lequinte a l'art. 20, coma 1 e 2, T.U.S.P. – trameunn deut d'in plan de reasset pre sa rashonalisashon, fuzhon o soppreshon, asseu moueieunn liquidashon – le partissipashon pre lequinte i se vereféie asseu unò soletò de le souveinte condishon:

- 1) Ou l'ont pa comme odzeut d'attivaie de produshon de bieunn e de sarvisho hereitameunn nessessére pre lo presouvemeunn de le finalitaie istitushonale de l'eunn, de lequinte a l'art. 4, co. 1 do T.U.S.P., asseu dessù lo plan de la convenieinse economicca e de la soutenibilitaie finanshére e an considerashon de la possibilitaie de gestion dereita o esternalizhò do sarvisho confià, e de la compatibilitaie de l'ahernouò avó i prensipio d'effisseinse, d'efficahe e d'economissità de l'ashon amministrativa, comme prevù de l'art. 5, co. 2 do Testo Unico S.P.;
- 2) Ou sont pa recondouisiblo a dzin-ne categori delequinte a l'art. 4, co. 2 T.U.S.P.;
- 3) Prevù de l'art. 20, co. 2 do TUSP:
 - a. partissipashon sossietére qu'ou rintrisso pa an dzin-ne categori de le deve de la pressedeinta categori;
 - b. sossietaie qu'ou l'arseltisso seinsa depandeunn on qu'ou l'isso in neumbro d'amministratour plu hot de hel di depandeunn;
 - c. partissipashon an sossietaie qu'ou font d'attivaie samblable on similére a heleu féte d'otre sossietaie partissipaie on d'eunn pebllico strumentalo;
 - d. partissipashon an sossietaie que, din li trei eunn pressedeunn, ou l'isso consouivì in fatturà miéno pa plu hot de in milio d'euro;
 - e. partissipashon an sossietaie difareinte de heleu féte pre la gestion d'in sarvisho d'intré dzeneralò qu'ou l'isso prodouì in reseltà negativo pre catro di hinc esersisho pressedeunn, tenù contio que pre le sossietaie de lequinte a l'art. 4 co. 7 do Dlgs 175/2016, i but de la premiére applicashon do critéro an esame, ou se considéro li reseltà di hinc esersisho souveunn a l'intrà an vigour do Decret correttivo;
 - f. nessessità de contenimeunn di fré de fonshonameunn;
 - g. nessessità d'aggregashon de sossietaie aveunn odzeut les attivaie consanteuve a l'art. 4 do TUSP;

Considerà an plu que le desposeshon do predeut Testo uniccò ou dévo iéhre applicaie an aveunn respet pre l'effisseinta gestion de le partissipashon pebllique, a la tutelà e promoshon de la concorreinse e do marchò, e a la rashonalisashon e ridushon do fré pebllico;

Tenù contio de la possibilitaie de maintenir partissipashon:

- an sossietaie qu'ou prodouiso sarvisho economicco d'intré dzeneralò a grilheu de lequinte a l'art. 3-bis do DL n. 138/2011 e s.m.i., asseu an fora do doméno territorialo de la Comeune planto que lo confiemeunn di sarvisho an cours a la méma sossietà ou sisse avvenù moueieunn prosedeure a evedeinse pebllica trameunn deut que la méma lhe respetisse li requisito diquin a l'art. 16 do TUSP;
- an sossietaie que, a la data d'intrà an vigour do Decret correttivo, ou l'arseltisso dzò féte e otorizhè a la gestion de moueizhon de dzouò i seins de la ledzeslashon vedzeinta;

Arlevà qu'an data 21.11.2018 ou sont ihaie adottaie de spesefique Linhe Guida partadzèe entre lo MEF e la Còrt di Contio, conserneinte la revizhon periodicca de le partissipashon pebllique, art. 20 do D.Lgs n. 175/2016, adzornaie avó linhe guida do 21.11.2019;

Vue la deliberashon Còrt di Contio, Seshon de les Otonomì n. 22/SEZAUT/2018/INPR do 21 deseimbro 2018, avó laquinta ou sont ihaie adottaie le linhe d'endrého pre la revizhon ordenéra de le partissipashon, avó ensin lo model standard di at de revizhon e relativo reseltà, pre lo justo adempimeunn, do caro di eunn territorialo, de le desposeshon de lequinte a l'art. 20 do D.Lgs n. 175/2016;

Vue an plu la deliberashon de la Còrt di Contio n. 6/2019/PAR do 25.07.2019 - Seshon de Controlo Val d'Ouhe -, avó laquinta li madzestrà contablo ou l'ont betà an clher que li eunn ou polo utilizhér li model "standard" predesposà de la Seshon Otonomì de la Còrt di Contio, do 22/2018, afin de favorir l'attivitá de controlo de competeinse hereita de la Còrt di Contio;

Considerà que din le sussitaie Linhe guida do MEF e Còrt di Contio, i veunt pressisà que le desposeshon do TUSP ou s'aplico a le partissipashon deteneuve de les amministrashon an sossietaie a totala on parshala partissipashon peblicca, sisse dereita qu'endereita.

Ina sossietà lhe se considére:

- partissipaia dereitameunn, canque l'amministrashon lh'eut tituléra de rapòrt comporteunn la calità de socho on de strumeunn finanshéro qu'ou l'attribueisso de drouet amministrativo din la sossietaie;
- partissipaia endereitameunn, canque la partissipashon lh'eut detenouò de l'amministrashon pre lo moueieunn de sossietaie on otro organismo sedzeut o controlo do caro d'ina amministrashon soletò on de plu pebligue amministrashon enseïn.

Pourteunn, ou rintro entre le "partissipashon endereite" soubetaie a le desposeshon do TUSP sisse le partissipashon deteneuve d'ina peblicca amministrashon moueieunn ina sossietà on in organismo controlà de la méma (controlo solitéro), sisse le partissipashon deteneuve an ina sossietà on an in organismo controlà enseïn de plu Pebligue Amministrashon (controlo enseïn).

Vu l'art. 26 coma 5 do D.Lgs n. 175/2016 i seins doquin, din li dòse mei souveunn a son intrà an vigour, lo decret ou s'applique pa a le sossietaie a partissipashon peblicca que, intro la data do 30 zouin 2016, ou l'isso adottà at pre l'emishon de strumeunn finanshéro, difareunn de les ashon, cotà an marchò reglhà;

Valutaie pourteunn le modalitaie de derolemeunn de les attivitaie e di sarvisho odzeut de le sossietaie partissipaie de l'Eunn, avó respet pre l'effisseinse, o contenimeunn di fré de gestion e a la tutéla e promoshon de la concorreinse e do marchò;

Tenù contio de la plu hota sodesfshon di bosein de la comenetà e do territouéro amministrà moueieunn de les attivitaie e di sarvisho randù de le sossietaie partissipaie possedeuve de l'Eunn;

Considerà que la revizhon ét adempimeunn obligatouéro asseu din li caso din loquin la Comeune lhe possedesse dzin-ne partissipashon, reseltà que totun ou deit iéhre comunicà a la seshon de la Còrt di Contio competeinta i seins de l'articlho 5, coma 4, e a la struteura de laquinta a l'articlho 15.

Vu lo reseltà de la revizhon féta comme arselteinta iliaia a la preseinta deliberashon, composà do documeunn, ehresù dessù lo model standard doquin a le sitaie Linhe d'endrého de la Còrt di Contio, din loquin ou sont endecaie le partissipashon sossietére de la Comeune;

Atandù que de la revizhon lhe merdzeit que la Comeune de Grevére lh'at le souveinte partissipashon dereite e endereite an sossietà:

Partissipashon dereita

1. Sossietà **ACSEL S.P.A.** avó ina cota do 0,43%;
2. Sossietà **ACEA PINEROLESE INDUSTRIALE S.P.A.** avó ina cota do 0,0001242%

La sossietà Acsel SPA ét ina sossietà "in house", affidatéra dereita de sarvisho d'intré dzeneralò din li confron de laquinta la Comeune lh'adzeit lo controlo enseïn, bieunn que seinsa avér lo controlo i seins de l'art. 2359 do c.c.;

La sossietà ACEA S.p.A. lhe fet sarvisho d'intré dzeneralò espressameunn contenù din l'art. 4 coma 2 lett. a) do T.U.S.P.;

Partissipashon endereite deteneuve de Acea Pinerolese Industriale s.p.a.:

1. Sossietà **Distribushon Gas Naturalo s.r.l.** avó ina cota do 0,0001%;
2. Sossietà **AmiatV** s.p.a. avó ina cota do 0,000008%;

I se marque la petitêhe de le partissipashon endereitameunn deteneuve qu'ou conseinto dzin entreveunn do caro de la Comeune.

Partissipashon endereite deteneuve de ACSEL S.p.A. – dzin-na

- 1) 1) I se spessefique que la Sossietà Aysel Energia s.r.l. an data 17 deseimbro 2018 lh'at delibèrà avó at do notéro, Repertouéro n. 75.598 Culhetò n. 12.024, lo prozhé de fuzhon pre encorporashon de la ACSEL Energia S.r.l. din la ACSEL S.p.A que lhe n'an deteunt lo capitalo sossialo o 100%. La fuzhon lh'at avoù effet de la data do 6 mai 2019 e lh'eut ihà donaiia efficahe retroattiva sisse contabla que fiscala dipé lo 1er dzenér 2019.

Donà at que lhe veunt esclusaia de la revizhon an odzeut la Sossietà Metropolitan-na Éve Turin S.p.A.- SMAT, partissipaia dereitameunn de la Comeune de Grevère avó ina cota do 0,00002%, pre mo que la méma, i seins de l'art. 26, coma 5, do T.U.S.P., lh'eut esclusaia de l'applicashon do mémo decret an aveunn adottà, intro la data do 30.06.2016, at pre l'emishon de strumeunn finanshéro, difareunn de les ashon, cotà an marchò reglhà, avó prossedimeunn levrà an data 13/4/2017. La sossietà Smat pourteunn lh'eut esclusaia, i seins de l'articlho 26, coma 5, do D.Lgs 175/2016 de l'applicashon do mémo decret, tal que comunicà avó nota prot. 72303 do 17/11/20 ;

Atandù, pourteunn, que le Sossietàie odzeut de revizhon ou font attivitaie de produshon de sarvisho d'intré dzeneralo e miraie o presouvimeunn de le finalitaie istitushonale de l'eunn;

Donà at que lo preseunn provedimeunn ou rintre din lo doméno de la competeinse de l'organismo consilhéro i seins de l'art. 42, c. 2, lett. e), D.Lgs. n. 267/2000;

Donà at an plu que dessù la preseinta deliberashon ou sont ihà arlishò les adreite favorable ex art. 49, D.Lgs. n. 267/2000, an ordre a la regolarità tecnicca e contabla do caro do responsablo de l'ére contabla;

Avó votashon espressaia an forma paleisa pre levà de man que lh'arporte lo souiveunn reseltà:

Preseunn:	n. 08
Astenù:	n. =
Voteunn:	n. 08
Vout an favour:	n. 08
Vout contréro:	n. =

DELIBERASHON

Pre toteu le reison arportaie din la premisa narrativa e armandaie din lo preseunn dispositivo a fare-zenn pert entegreinta e sostanshala

- 2) D'approvar la revizhon o 31/12/2019 de toteu le sossietàie din lequinte la Comeune de Grevère lh'at partissipashon, dereite on endereite, comme desposà de l'art. 20 do D.Lgs 175/2016 modefeiò do D.Lgs 100/2017 e analiticameunn detelhò din le squéde, **piéhe dzouinta A** a la preseinta deliberashon, que lhe n'an costitueit pert entegreinta e sostanshale.

- 3) De preindre at que souita a la preseinta revizhon ordenéra i at le condishon pre lo mantenimeunn de toteu le partissipashon dereite, pre mo qu'í se traite de sossietaie qu'ou font attivitaie d'intré dzeneralò, iliaie o presouvimeunn de le finalitaie istitushonale de l'eunn e pé dzò qu'ou l'ont pre odzeut finalitaie de peblicco intré, tal que mioù illustraie din la "Piéhe Dzouinta A".
- 4) De preindre at qu'an data 06/05/2019 lh'at avoù effet la fuzhon pre encorporashon de la Sossietà ACSEL ENERGIA s.r.l. an ACSEL s.p.a. A la fuzhon lh'eut ihà donaiia efficahe retroattiva sisse contabla que fiscala dipé lo 1er dzenér 2019.
- 5) De preindre at que lhe veunt eslusaia de la revizhon an odzeut la Sossietà Metropolitan-na Éve Turin S.p.A.- SMAT, partissipaia dereitameunn de la Comeune de Grevére avó ina cota do 0,00002%, apre mo que la méma, i seins de l'art. 26, coma 5, do T.U.S.P., lh'eut esclusaia de l'applicashon do mémo decret an aveunn adottà, intro la data do 30.06.2016, at pre l'emiszhon de strumeunn finanshéro, difareunn de les ashoni, cotà an marchò reglhà, avó prossedimeunn de cotashon levrà intro li 23 seteimbri 2017 comme de comunicashon prot. 72303 do 17/11/20;
- 6) Desposar que lo reseltà de la revizhon doquin a la preseinta deliberashon ou sisse envià a la competeinta Seshon rezhonala de controlo de la Còrt di Contio.
- 7) De declharar la preseinta deliberashon fit adzibla i seins de lei avó ina seconda votashon espressaiia an forma paleisa pre levà de man que lh'arporte lo reseltà souiveunn:
 - Preseunn: n. 08
 - Astenù: n. =
 - Voteunn: n. 08
 - Vout an favour: n. 08
 - Vout contréro: n. =

Lesù, confirmà e souhresù.

LO PRESIDEUNN
Firmà Dedzetalameunn
F.to: NURISSO Piero Franco

LO SEGRETÉRO
Firmà Dedzetalameunn
F.to: CARCIONE Marietta
